

نومرو : ۱۷

ایکینجی سنہ

علم حقوق

مقایسہ قوانین مجسمہ و عری

ہر آی نشر اولنور

مؤسس و صاحب

کرمیچہ مہرئی : محمد عارف

انکلتره

۳

حکومت

قرالیت . — شورای خصوصی . — قابینہ . — قرالیت متحدہ ک ادارہ سی .

انکلتره و ایرلنڈا قرالیت متحدہ سندہ قوہ اجرائیہ ، وکلاسی و اسطہ سیلہ
اجرائیتمک شرطیلہ ، حکمدارہ عاٰنددر . تاج قراالی اکبر اولادہ انتقال ایدوب
انجق عینی درجہ قرابتدہ اولمق اوزرہ ارککک قادین اوزرینہ حق ترجیحی
واردر . قرالیت متحدہ حکمداری آ نفلیقان مذهبیدن اولمق لازم و شرطدر .
حکومتک قانون اساسیسی اولمق اوزرہ مرعی اولان ۱۶۸۹ تاریخی حق وراثت
نظامنامہ سی موجبہ روم کلیساستہ تابع اولان و یاپایبی طانیان بریسی ایله
تاہل ایدن ہر شخص تاج قراالیدن محروم قالیر . وہیچ بروقت وارث اولہماز
و حکمدارلق اک قریب درجہدہ بولنان وارثہ انتقال ایدر . حکمدار اولہجنی
زمان وارث ، قانتور بری مترہ پولیدینک الاری آرہ سندہ بروجہ آتی تخلیف
ایدیلور :

» — انکلتره قراالیتی و توابی و اہالیسنی مجلس مبعوثان اصولی و قوانین
و عادات مرعیہ اوزرہ ادارہ ایدہ جکنہ علناً یمین و وعد ایدرمیسک ؟ ..
» — علناً یمین ایدرم ..

» — اقتدارکزی قانون و عدالت دائرہ سندہ استعمال ایتک ایسترمیسکیز ؟ ..
قانون و محاکمات عقلیہ کزہ توفیق حرکت ایتک ایسترمیسکیز ؟ ..

» — اوت « ایسترم .

» قوتکزی قوانین الہیہنک محافظہ سنی ، انجیل شریفک مسلاک حقیقی سنی
و قانونہ توفیقاً اصلاح ایدلمش اولان پروتستان دینی ادامہ ایچون صرف ایتک
ایسترمیسکیز ؟ .. وعین زماندہ راہلری و قرالیتک رهبانیتی و اولرک تحت
ادارہ سندہ بولنان کایسالی ایلہ برابر قانوناً اولردہ ویزلمش اولان امتیازات و
حقوقی حمایہ و محافظہ ایتک ایسترمیسکیز ؟ ..

» — ہپسنی وعد ایدرم . وعد ایتدیکم شیلری اجرا ایدرم . اللہ معین
اولسون .

انکاترہ حکمدارینک اوصاف رسمیه سی شودر : « انکاترہ و ایرلاندا قرالیت
متحدہ سیلہ اوروپا آسیا ، آفریقا ، آمریکا ، اوسترالیادہ بولنان مستملکانک
قرالی ، دینک مدافعی » .

بو صفاتہ ۱۸۷۶ تاریخلی امر نامہ ایلہ ہندستان ایمپراطورلنی عنوانی دہ
علاوہ اولمشدر ...

قوہ دینیہ ایلہ قوہ سیاسیه ید حکمداریدہ در . غلادستون برکون قرالک
امتیازات و حقوقی شو وجہلہ تعداد ایتشدر :

» قرال وحدت ملیہنک رموزی ، واضع قانون ، کلیسانک رئیس اعظمی ،
عدالتک ، وزعی ، حیثیت ملیہنک منبعی ، انکلیزطوپراغنک متصرف یکانہ سی در .
دیمش و سوزینہ شو وجہلہ دوام ایتشدر : « قرال حالا واستقبالاً بیک کشی بی
لوردیابہ بیلیر ... مجلس مبعوثانی ، اجتماعندن اول بیلہ ، تعطیل ایدر . الہمدہش
جنایات فاعللرینی جزا دں عفو ایدر . عالمہ اعلان حرب ایدر . بک چوق
مصرفی ایجاب ایدن معاهداتی عقد ایدر . دائمہ دہاک بیولامسئولیتی ایجاب ایدن
معاملاتندن دہ معافیت مطلقہنی حائز و بناءً علیہ غیرمسئولدر ... »

فقط یوقاریدہ دہ سویلیدیکمز وجہلہ نظریاتدہ بک چوق امتیازات واستثنااتہ
مظہر اولان حکمدارلق فعلیاتدہ بک محدود حقوقی حازدر .. حکمدار و کلاسنک
رأی خلافہ حرکت ایدہ من ، اولردہ مجلس مبعوثانہ قارشی مسئولدر .
قرالک تخصیصاتی برصورت دائمہ دہ عائلہ حکمداری و برسرای قرالی بی

اداره ایتک اوزره سنوی ۹۰۶۲۵,۰۰۰ فرانقدر (۴۸۱۲۵۰ فرانسر آلتونی)

که آیده قرق کسورییک لیرادن عباریدر ..

باش وکیلی مجلس مبعوثانده حائز اکثریت اولان فرقه رئیسندن انتخاب ایلامک مجبوریی و باش وکیلده رفقاسنک انتخابه صلاحیتدار اولدینی نظر دقته آلتیرسه نظارک قرال طرفندن انتخاب ایدلایکنی قبول ایتک بیله دوغری اوله ماز ..

وکلا قرالاک مأمورلری اولیوب اکثریتک مأموریدر ...

انکلتزه حقوق اساسیه سی موجبینجه حکمدارلغک امتیازاتنه دائر اولان معاملاتک کافه سنه شورای خصوصیده قرار ویریلور قرالک تبعه سنه وقوع بوله حق بیاناتی مجلس مبعوثانی اجتماعه دعوت و مدت اجتماعی تمديد و تعطیل خصوصاتی هپ شورای خصوصیده قرارلشدیریلیر ... اسقوجیالوردلرینک انتخابی تنسیب ، حرب اعلان و معاهدات تنظیم ایتک و قوانین مخصوصه سی اولمایان مستملکاتده قابل تطبیق اولوق اوزره تدابیر اتخاذ و مستملکات مجلسی مبعوثانی مقرراتی تصدیق و فسخ ایتک هپ شورای خصوصیه عائدوظائف جمه سندندر. اساسی یک قدیم اولان شورای خصوصی پدیری خاندان حکمداریدن اولان پرنسلردن ، انغلیقان رهباننک قانتوربه ری و یورق متره پولیدلری کبی اکابرندن ، لوندره راهبندن ، لوردلر قماره سنک سکمان طقوز اعضای جسمانیه سندن و قابینه نك اعضای عمومیه سندن وعوام قماره سی رئیسنه ترفیق اولنان اسکی نظاردن صنف عدلیه و عسکرینه نك الکزیاده حائز اهمیت اکابر مأموریندن ترکیب ایدر . مذاکرات ناظرلردن انتخاب اولنان رئیسک اداره سنده جریان ایدر .

نظریاتده ، شورای خصوصی ، حکمدارک یکانه مسؤل وقانونی مجلسیدر . فعلیاتده ایسه ، مستننا براهیمی حائز احوالدن اولوق اوزره ، بمجلسک یرینه ، قرالیت متحده نك قوه اجرائیه سی تشکیل ایدن قابینه نك قائم اولسنه دائر یواش یواش برتعامل حاصل اولمقدودر .

انکترہ قاینہ سنک عدد اعضاسی معین و محدود اولدیغیدن اولدن بلای اوله ماز . انکترده وظیفه سیاستی ایفا ایدن آدملر بر طرز معینده ووظیفه نظارتی حائز اولق اوزره ناظر ویا مستشار نامیلہ تعیین اولتمازلر . عنوانلری حائز اولدقلری ، مأموریت ووظیفه لری اساسی ده پک مختلفدر .

موسیو (تولد والبول) دیورکه : « قاینه اک بنام ، مشهور و ممتاز اداره سیاست آدمارندن تشکیلی ایدر ایسه ده اعضاسنک عددی معلوم و معین دکدر . قاینه نك عدد اعضاسنی تعیین ووظائفی تقریق حکمدارک موافقتیلہ قاینه نی تشکیله مأمور ایدیلان ذاته عائد برکیفتدر »

یالکز بو خصوصده عنفه و تعامللر موجوددر . اولر آز ، چوق نظر دقته آلنور .

بو عنعناته نظر آ :

اکثریا باش وکالتی احراز ایدن خزینہ برنجی لوردی ، شانسلیه دوله — شیکه نامی ویریان مالیه ناظری ، لوردلر قساره سنک ، صنف حکامک رئیس و عدلیه ناظری اولان نورد شانسلیه ، بحریه ناظرلغی ایفا ایدن ترسانه برنجی لوردی ، مجلس مخصوص رئیس لورد ایله داخلیه ، خارجیہ ، حربیه مستملکات و هندستان ناظرلری قاینه یه داخلدرلر .

تعداد اولسان بو رجال سیاسیه دن بشقه پارلمنتوده اکثریتی حائز اولان فرقه اعضالری میانندن تقریق ایدیلن و نظار ایله برلکده موقع اقتداردن چکیلن دیگر برطاقم اکبر مأمورین دولتی ده باش وکیل یا صورت دائمده و یا خود وظیفه لرینه متعلق خصوصات موضوع بحث اولدنی زمان مذاکراته اشتراک ایتمک اوزره قاینه یه ادخال ایلر .

مأمورین مذکورہ دن باشلیجه لری شونلدر :

اوج خزینہ لوردی ؛

مهر مخصوص حاملی لورد ؛

بش بحریه لوردی ؛

لانگاستر شانسلیه سی ؛

رأساً زراعت ناظر لغنی ایفا و صید بحری امر مهمنه نظارت ایدن زراعت
مجلسی رئیس ؛ تجارت مجلسی رئیس ؛ اداره محلیه انجمنی رئیس ؛ معارف
عمومیه ناظر لغنی وظیفه سنی ایفا ایدن تعلیم و تربیه انجمنی رئیس امور و انشآت
نافعه برنجی قومیسری ؛ پوسته مدیر عمومیه سی ؛

L, attorney general مدعی عمومی

Le solicitor general « « معاوی

داخلیه ، خارجیه ، حربیه ، مستملکات و هندستان نظارت لرینک مجلس
مبعوثان اعضا سندن اولان بش مستشاری ؛ بحریه مستشاری ؛
Le lord advocate et le solicitor general pour l'Ecosse
ایرلندا ناظری ؛
Le lord lieutenant pour l'Irlande

ایرلندا ناظر لغنک باش مستشاری ایله مستشاری ؛

مدعی عمومیه سی

« « معاوی

ایشته باش وکیلک تحت اداره سنده انککتره قوه اجرائیه سنی تشکیل ایدن
مأمورین دولت بونلدر . باش وکیل قابینه بی دعوت و بوکا ریاست ایدر . عوام
ولوردر قماردرلنده حکومتی تمثیل ایدر ، امور ملیه نک جریان عمومیه سینه نظارت
ونظارتک اجرا آتی بر مرکززه جمع ایله بر آهنگ ونظامه ربط ایلر .

موسیو فرانکه ویل [۱] « انککتره باش وکیلی او ایله بر موقع مسئلتا ویکتاده
بولنیورکه عینی زمانده فرقه رئیس صفتیه منتخبلرک اکثریتی طرفندن تمثیل
ایدیلن حکومتک مرخصی ؛ پارلمنتونک مهم بر اعضاسی اولمق اعتباریه قوه
تشریعه نک وکیلی ، قراللغک برنجی مشاور و اعضاسی بولمق حیثیتیه ده
حکمدارک وکیلی ، دواژ دولنک مدیری وقوه اجرائیه نک رئیس اولمق او صافی
حازدر « دیبور .

دواژ عظیمه دولنک وظائفی حقنده اجرای تبعاته قویونمق سزین وظائف
حکومتک انقسام ایتدیکی شعبات اداره دن باشلیجه لرینک تشکیلاتی حقنده بعض

[۱] حکومت و بریتانیا پارلمنتوسی نام اثرنده .

معلومات ویرہ جکیز :

دوائر حکومتک اک مهمی مالیہ در . وقتیلہ بو دائرہ نیک باشندہ اک بیوک بر ذات Le haut trésorier بولنیور ایدی .

برنجی ژورژک سلطنتدن بری خزینہ لوردی نک وظائفی خزینہ مجلسنہ انتقال ایتشدرد . بومجلس رسماً « خزینہ لوردی نک وظائفی ایفا ایله مکلف اولان لورد قومیسر » عنوانی طاشبان بش اعضادن مرکب در .

خزینہ برنجی لوردی ، شانسیلیہ دولہ شیکہ نامی ویریان مالیہ ناظری ، Junior lords نامی آلتندہ انتخاب ایدیلن دیگر اوج اعضا بومجلسی تشکیک ایدر . عمومیت اوزرہ خزینہ برنجی لوردی باش وکیل اولقلہ برابر بوتعامل و غنغنہ نک تعقیب ایدلمیکیده واقع اولشدرد . سالیسبوری قاینہ سندنہ خزینہ برنجی لوردانی موسبو بالفورہ توجیہ ایدلمش و باش وکیل خارجیه ناظرلقی ایفا ایتمش ایدی . خزینہ برنجی لوردی کرک لوردلر ، کرک عوام قاردرلرنده منسوب اولدینی فرقہ نک همان دائماً اہمیتی ، حائر نفوذ وقوت بر اعضاسیدرد .

باش وکیل خزینہ برنجی لوردی عنوانی ایله اکتفا ایدوب اون طقوزنجی عصرده قانینغ ، روبر پیل . غلامستون کی اکابر رجال سیاسیه نک یادیغی کی شانسیلیہ دولہ شیکہ [مالیہ ناظری] نک وظائفی ایله کندی وظائفی توجید ایتمز ایسہ امور مالیہ ایله پک آز مشغول و بالکنز حکومت ایله پارلمنتوی اداره و طبقہ مشکہ سی ایله مکلف اولور . حقیقتدہ مالیہ ناظری شانسیلیہ دولہ شیکہ نامی ویریلن خزینہ لوردی در . خزینہ نک ادارہ سندن پارلمنتویہ قارشی شخصاً مسئول اولان ، بودجہ یی احضار ، قرالانغ ہیئت عمومیہ مالیہ سی اداره و مراقبہ ایدن مالیہ ناظریدر . مالیہ ناظری دائماً عوام قاردسی اعضاسی میانندن انتخاب ایدیلیر .

Junior lords لرہ کلنجه . قانینغ « بونلرک وظیفہ لری بر پارلمنتوی یاقوی ، محافظہ ایتک و ناظرلری آلتیشلامقدن عبارتدر » دیمش ایدی . بونلر رجال مستقبلاً دولت اولوق ایچون چراغلق ایدن پارلمنتو آدمیریدر . شوراسنی علاوہ ایدلمکہ خزینہ مالیہ دہ اوج مهم مسئلہ شار واردرد :

پارلمنتویه منسوب مستشار، مالیه مستشاری، دائمی مستشار. برنجی وایکنجی
مستشارلر عوام اعضاسی میاننده انتخاب ایدیلر. وقاینه ایله برلکده موقع
اقتداردن چکیلرلر.

پارلمنتو مستشاری secrétaire parlementaire باشلیجه سیاسیات ایله؛ مالیه
مستشاری امور مالیه ایله اشتغال ایدرلر.

فقط بتون امور فنیه واداریه سی سوق و تدویر وظیفه سی، پارلمنتو
خارجنده انتخاب ایدیلر و ناظرلرله برلکده تبدل ایتمیوب عادات عنعناته
و حرمت و رعایتی تأمین ایدن دائمی مستشاره عأدر.

اجرا و توزیع عدالت ایشلری lord haut chancellor نك زیر اداره.
سنه وضع ایدلشد. انکلترده مقداری پك از اولان احکامی نصب و تعیین
وظیفه سنی حأزدر. lord haut chancellor نك وظائفی پك کثیر اولوب
مهر دولتك محافظی ولوندره محکمه عالیه سنك رئیس اولوق اعتباریله ده
قراللغك اك بیوک عدلیه مأموریدر. بوندن بشقه لوردل قماره سنك ده حقوق
رئیسیدر. موقع و مأموریتی بعض غریب و اطرادسز احوالی ده موجب اولور.
موسیوده فرانکویل دیورکه: « حاکم صفتیله لاینعزل اولمی فقط
ناظرده اولدینی ایچون داخل بولندینی قاینه موقع اقتداردن چیکنجه مأموریتی
ترك ایتمیدر. مجلس عالی chambre haute رئیس صفتیله بو مجلس طرفندن
انتخاب ایدلمسی و علناً هیچ بر فرقه یه منسوب اولمامسی لازم کلیر؛ لکن
قاینه اعضاسندن اولوق اعتباریله حکمدار طرفندن نصب و تعیین اولنور.
و بر فرقه یه منسوب اولور. »

دائما معروف بر حقوق شناسی اولان Lord haut chancellor دن صوکره
قراللغك ایکی بیوک قانون شناسی اولان مدعی L' attorney jénéral و معاونی
Fe so liceitor jénéral حکمداری محاکم عدلیه ده تمثیل ایتدکلری کبی
حکومتك ده Conseillers légaux مشاور حقوقی سیدرلر. بونلر عوام قماره سنك
اك بیوک حقوق شناسلری آراسنده تفریق و انتخاب ایدیلرلر. و حکومت
تعاق ایتمین خصوصی دعوالری قبول و مدافعه حقی محافظه ایدرلر.

وظیفہ سی معین بعض براترہ مہر گیری استعمال ایتسنہ دائر عدلیہ ناظرینہ امر حکمداری، تبلیغ ایدن اوراقہ مہر خصوصی وضعندن عبارت اولان مہر مخصوصی حاملی لورد Le lord du sceau privé بعض احوال معینہ دہ عدلیہ ناظرینک معاونی عند اولنہ بیلیر .

مہر مخصوص حاملی لورد عنوانی زیادہ فعالیتی ایجاب ایتدیرن بر وظیفہ بی ایقاہہ سی ویا صحتی مساعد اولمان وباش وکیل طرفندن قابینہ یہ ادخال ایدلک ایستہ نیان بر دولت آدمہ تقویض ایدیلیر .

دو نماسندہ عینی زماندہ ہم مدافہہ ، ہم دہ ففتح واسدیلا واسطہ لغنی کورمکہ آلیشدینی ایچون انکلتزہ نک منافع حیاتیہ سی تمثیل ایدن بحریہ نظارتی وقتیہ اکابر مأمورین دولتن برینک le lord hant Amiral ک زیر اداره سندہ ایدی . خزینہ لوردینک وظائفی کبی بحریہ برنجی لوردینک وظائفی دہ تفریق وانقسام ایدیلیرک بر برنجی لورد ایلہ بش Junior lords دن مرکب بر مجلس بحریہ یہ تودیع اولنشدیر . بولوردلرک دردی les naval lords بحریہ لی اولوب lord Civil ایسہ پارلمنتو اعضای میانندن انتخاب اولنور .

بحریہ برنجی لوردی دائما قابینہ یہ داخل وحقیقتدہ رفقا سنہ قارشی واسع بر حکم وتفوقی حائزدر . بحریہ برنجی لوردی ہیچ بر وقت بحریہ لیلر میانندن انتخاب ایدیلوب قوہ تشریعیہ نک ایکی مجلسندن برینہ منسوب اولنور . بتون مأمورین بحریہ امر وادارہ سی آلتدہ در . بوکا مقابل بحریہ برنجی لوردی دہ حریہ ناظرینہ مربوطدر .

بحریہ ناظرانی وظائفی ایفا ائساندہ بری دائمی دیگر موقت ایکی مستشار بحریہ برنجی لوردی ایلہ برلکدہ حاضر بولنورلر .

داخلیہ ناظری secrétaire d'état de l'intérieur فرانسه داخلیہ ناظری قدر واسع وظائف ایلہ مکلف دکلدیر . برطرفدن ، انکلتزہ دہ کی واسع عدم مرکزیت ادارہ سبیلہ مأمورین محلیہ پک بیوک براستقلالہ مالک ؛ دیگر طرفدن ، فرانسدہ ارہ ولایات ویا نواحیہ تعلق ایدن مسائل انکلتزہ دہ بر دائرہ مخصوصہ نک Le local government board حدود صلاحیتہ کیرمشدر .

داخلیه ناظری le home office بالخاصه انتظام عمومی و آسایش مملکتك محافظه سینه نظارتله مكلفدر . داخلیه ناظری لوندرد ضابطه سی اوزرنده بر حق تفیش مخصوصی حائزدر .

انكلكتره خارجیه نظارتی foreingoffice تشكیلاتی فرانسه خارجیه نظارتی تشكیلاتندن بك آز فرقايدز . خارجیه نظارتی معاهداتك مذاكره سی، مناسبات بین الملل ایله سیاسی وقونسولوسخانه مأمورلرینك ادارسی ایله مكلفدر . انكلكتره مأمورین سیاسیه فرانسه دن عددآ بك آز ایسه ده ابراز فعالیت ورؤتی موجب اوله حق درجه ده یوكسك اولان معاشلری و تقاعد تخصیصاتی فرانسه دن بك زیاده در . قبریس وزنكبارك ادارسی ده خارجیه نظارتیه مودوددر . انكلكتره خارجیه نظارتك لوردلر قماره سنك اعضای مشهوره سندن برینه تودییی تعامل و عنعنه حكمنه كیرمشدر .

حربییه ناظری Wardépartement(ou) Waroffice اردویه تعلق ایدن مسائل سیاسیه ومالیه بی تنظیم و تسویه وظیفه سیله مكلفدر . شایان نظردر كه اردونك موجودی یالكرز بر سنه خدمت ایچون طوبولامشدر انتظام عسكرییه تعلق ایدن قوانین قدیمه نك قوت وماهیت قانونیه برینی محافظه ایتملی ایچون هر سنه پارلمنتونك مظهر تصویبی اولملری لازمدر . انكلكتره قوانینی . طلب ایدلدیكي زمان هر انكلكیزك مدافعه مملكت ایچون سلاحه صارملق مجبوریتی . قاعده اساسیه نی رضع ایتمشدر . استیلای اجانب حالنده حكمدار ۱۶ یا شندن ۶۰ یا شسنه قدر اولان صحیح النبیه افرادك مجتمعا سلاحه اشتراكنی امر ایده بیلیر .

حال حاضرده اخذ عسكری معامله سی كوكالی ترتیب اتیله اجرا ایدیلیر . كوكلیلیر ، Bounty نامی ویریان بر مبلتی اخذ ایدرلر . ودولت طرفندن اكسا واعاشه اولنورلر ،

سنلری اون یدیدن دون ویکرمی بشدن افزون اولمه مق لازمدر . خدمت عسکریه پیاده ایچون اون وصنوف سائر ایچون ده اون ایکی سنه در . عساكر نظامیه ومنتظمه دن بشقه هر قونتلقد تشكیل ایدیلوب استیلای اجانب

موضوع بحث اولمذبحہ دیگر بر قونسلغہ کچمین صرف یرلی و میلہس
اطلاق ایدیلان ؛ کذا Ta yeomanry دنیان و علامت فارقه سی ، قرمزى
défense et mon défi « حربہ دعوت دکل ، مدافہہ » اولان سوارى
میایسیر انکلترہ نک اہمیتلی قواى معاوئہ عسکریہ سیدر .

ترانسوال محاربہ سی انکلترہ تاسیسات و تشکیلات عسکریہ سنک نقصانلرینى
میدانہ چیقارمشدر . لورد روبرت انکلتردینى خدمت مجبوریتہ عسکریہ یہ
طوغری سوقہ معطوف اولان اصلاحات اجراسی تشبثشدہ بولنمش ایسہدہ
بو رأى و تشبث مدافہہ ملیہ یہینى تأیید و تحکیم ایچون امیر یالیستلرک طلب
ایتدکلری فدا کارلقلرہ پک آز مساعد و موافق کورلشدر .

مستملکات اموری مستملکات و هندستان ناظرلرینہ تودیع اولنمشدر .
مستملکات ناظرینک Secretary of state for the Colonial department
وظائفی ، انکلترہ ممالکی اوزرنده عمومى بر قونترول اجراسی ، والیرک
نصب و تعیینى ، مستملکات پارلمنتولرنجہ تنظیم ایدیلن قانونلرک قبول و یاردی ،
مستملکاتک قوانین اساسیہ سنہ ، عسکرک و بحریہ و یا منافع تجاریہ و بین الملیہ
نقطہ نظرندن مدافہہ لرینہ تعلق ایدن تدابیرک تدقیق در . [۱]

شوراسنى علاوہ ایدہ ملکہ بیوک بریتانیا حکومتک مستملکات پولتیقہ سنک
علامت ممیزہ سی ، ہر مستملکہ نک حال و موقعہ کورہ خصوصى اصول ادارہ لر
تطبیق ایتسیدر .

ہر مستملکہ مادر وطن نظرندہ ، نشوونماى ایچون اک مساعد شرائط
تحتشدہ بولندیرلمسى ایجاب ایدن بر عضو ذی روحہ بکڑہ یور .
موسیو قالدہ فون نام انکلز مؤلفی انکلترہ مستملکاتشدہ موجود اولان
اصول سیاسیہ اداریہ یی قرفدن آشاغی بولمامشدر . انکلترہ مستملکاتى اصول
ادارہ نقطہ سندن لافل اوچ بیوک قسمہ تقریق اولنہ بیلیر .

(۱) قرالاق مستملکاتى (Crown colonies) Les colonies de la couronne

در که طوغریدهن طوغری به حکومت قرايه مأمورلری طرفندن اداره اولنورلر
ومؤسسات انتخابیه دن محرومدرلر .

(۲) قسماً مسؤولر حکومته مالک مستملکات (gouvernement) responsible-

(Colonies of semi Les colonies à gouvernementmi-responsable

اولوب بونلر هیأت سیاسیه انتخاب ایلرلر ایسه ده قوه اجراییه منحصرأ حکومت
مرکزیه مأمورینک النده در . ومجلس تشریعیه نك اعطایا ایتدیکی مقرراتك
مرعیتی مطلقا قرالك فرانسه ویل . انكاته حکومت و پارلمنتوسی تصدیقنه
اقتران ایله ملرینه متوقفدر .

[۳] مستملکات مستقله :

Les colonies indépendantes (colonies of self government)

در که مجلس تشریعییه وبونلره قارشی مسؤول اولان نظارتلره مالکدرلر .
بو قسم مستملکاتك "حکومت قرايهیه مربوطیتی والی" عمومینك اوراجه
ومستملکات قانونلرینه قارشی نادراً استعمال ایتدیکی : دم قبول Droit de veto
حقندن عبارتدر .

بعض مستملکاته بینلرنده بر هیئت متحده و حکومت مشترک تشکیل
ایله ملرینه مآذونیت ویرلشددر . قراال طرفندن نصب وتعیین اولنان بروالی
عمومی نك تحت مراقبه سندن اولمق اوزره اوتاوا شهرنده کی هیئت متحده
پارلمنتوسیه بر حکومت مالک اولان قانادا ؛ اوسترالیا مستملکه لرینی ده اواسع
بر مختاریت جمهوریه ایله برلشدیرن اوسترالیا هیأت متحده لری بو قسم
مستملکاتك باشلیجه لریدر .

هندستان ناظری انکاتره نك، نوواسع آسیا ایمپراطورلغنه عائد اولان اموری
ایله مشغولدر . هندستان اداره محلیه سی بر والی" عمومی یه (viceoi) ou
gouverneur général مودوع اولوب رفاقتنده ایکسی حکمدارواوچی کندی
طرفندن منسوب بشی اعضادن بر مجلس وارددر .

بنغاله ، ماندراس بومبای پنجاب وشمال غربی ایالتلرینك رأس اداره لرنده

برر والی بولنورک بولنر هندستان ناظرینک تکلیف وانہاسی اوزرینہ قرال طرفدن تعیین اولنورلر .

هندستانہ مخصوص برارلنتو یوقدر . بریتانیا ایمپراطورای عرق و مدینتلیری آراسندہ رقابت و ضدیت بولنان مملکتلرک ماتئ تمثیل ایدن مؤسسات (هیأت تشریمیہ) Les vis titutions représen tatives تشکیل ایتلرینی قبول ایتمز . اوروپا عنعناتندن بتون آیری اولان یرلیلرک حقوق سیاسیه یه نائیلتنی انکلتره حکومتی پک مهلک بولمشدر . انکلتره ، براعتنای مخصوص ایله جمع و تفیق ایلدیکی ، بر هیئت مخصوصه نك ، تبعات جدیدہ سی نتیجه سنده مکملأ احضار ایدیلن بر شکل اداره نك هندستان منافعه و بالنتیجه ایمپراطورلنک اقبال و معموریتنه خادم اولهرق هندستانک اداره سنده حاکم مطلق قالمسینی ارزو ایتدی . (ژون برایت john Bryant) ک قولنجہ « انکلتره آنجیق ، اول بول ، هندستانک منافعی آرا مغله مستملکہ سندن بحق استفاده ایدہ جکدر »

زراعت ، تجارت و معارف اموری مجلس مخصوصک بر طاقم هیئتلرینہ مودو و عندرک رئیسلیری فعلاً نظارک وظائفی ایفا ایدر .

حالا صرف امور بریئصیدیه و زراعیہ نظارتی ایله مشغول بیوک برامورده واردر . بیان ایدیلن زراعت هیئتنہ (Comité de l'agriculture) leboard لافاسز دوشه لکی شانسہ یله سنک ریاست ایتمی پک چوق سنه نر رعادت و عنعنہ اولمش ایدی . صرف شرف و اقبال ایچون اشغال ایدیلن بو مأموریتک اوقات خالیہ سی مسائل زراعیہ نك تدقیق و تبعغه حصر ایدیلیر ایدی .

تجارت هیئتی ، Lecomite du Commerce (Board of trade) بر رئیس ، بر باش وکیل ، خزینہ برنجی لوردی ایله بش مستشار و عوام قماره سی رئیسندن Sjeaker مرکبدر . بول اعضانک کافه سی هیج بر وقت اجتماع ایتبوب تجارت هیئتی jresident Of the board of trade عنوانی تختنده انکلتره تجارت ناظری اولان رئیس هیئت مذکورہ یی اداره ایتکده در .

تربیئہ هیئتنک Comité d'rfucation وظائفی اولجه پک خفیف ایکن صوک سنه لردہ شایان دقت بر درجہ ده تراید ایله مشدر .

تخصیص تالی Tton ' Corovv ' Rugby کی مکاتب مهمه رسمیه ده ،
وقف و تبرع ایدیلوب مؤسسارینک تعیین ایتدیکی وارداتله اداره اولنان
مکتبلرده و مکاتب خصوصیه ده اجرا اولنور .

تخصیص ابتدائی ۱۸۷۰ تاریخنه قدر حکومت طرفندن افرادک تشبثات
خصوصیه سنه ترك ایدلمشدی . ۱۸۷۰ تاریخلی قانون Le Frester actde 1870
موجبجه ، فخری دینبان و آنغلیقان طبیعت دینیه سنه موافق بولنان سربست
مکاتب میاننده تربیه هیئتک قونترولی نختنده مکتب محاسلری طرفندن اداره
اولنان مکاتب تأسیس ایدلمشدر .

بش یاشندن اون اوچ یاشنه قدر اولان اطفال مکتبه دوام ایله مکلفدر
تخصیصده اساس هر درلو اندیشه و اشتغال دیندن آزاده اولمقدیر .

۱۹۰۴ تاریخنده محافظه کار اولان قوه اجرائیه اختیاری و رسمی ایکی
صنف مکاتب آراسنده کی بتون فرقلری رفع والغا و هر ایکی قسمه مساوی
تخصیصات اعطا ایلدی . حکم و بو تدبیره راضی اولمیلر Les non - csnjrmstes
انغلیقان کلیساسنک بیکارجه مکتبلری هر هانکی مذهبه سالاک اولان
انگلینز تبعه دن استیفا اولنان رسوم محلیه دن مستفید اولملری فیکرینه قارشی
شدتلی اعتراضده بولندیلر .

عوام قماره سنده اکثریتی تشکیل ایدن حریت پرورانک ایلك تدبیری ۱۹۰۲
تاریخلی تخصیص و تربیه قانونی یرینه تربیه هیئتی رئیسک تکلیفی اوزرینه دیگر بر قانون
L'duction - bill اقامه ایتک اولدی . بو قانونک احکام اساسیه سی بوجه
آتی تلخیص اولنه بیلر : مکاتب دینیه نه بعدما تخصیصات اعطا ایدلمیه جک ،
یالکیز تخصیص دنیوی مجبوری اوله جق ، تخصیص رسمی پک زیاده مظهر
حمایه اوله جق .

بو قانون عوام قماره سنک دوچار اعتراضی اولدیغندن موافقاً کری آلندی .
قرال مجلس عمومی هیئتلرنده ایراد ایتدیکی نطقده « تخصیص ابتدائی
و تالیاتک امر اصلاحنده کوستردیگکیز دقت و بصیرته رغماً بو مسئله یی تشویش
ایدن مشکلاتی ازاله ایده مدیککیزه متأسفم » دیمشدر .

تربیہ ہیئتک وظائفہ علوم و صنایع مکتبہ لریہ بردیکر معدن مکتبہ لری و موزہ لرده داخلدر .

تخصیصی عالی بر استقلال تامی حاز اولان دارالفنون لرده ا کمال اولنور .
مجالس محلیہ نک ، قونسلقلر ونواحی رهبانیہ paroisses ہیئت لریک
نظارت و تفتیشی نظافت عمومیہ ، طرق و معابر ، فقرا و یرکوسی
ایله اداره اولوبان معاونت عمومیہ ایش لریکی کورن رؤسای حکومت ملکیہ یه
Président of the local gouvernement board مودوعدر . پوسته و تغراف
دائرہ سی Le Post mastre general طرفندن اداره اولنور . انشآت و مبانی
رسمیہ بر سر قومیسردن ، نظارت مستشار لرندن و تجارت ہیئت رئیسندن
متشکل بر قومیسر یونه عائد و مربوطدر . فعلاً بو قومیسرون هیچ بر رقت
اجتماع ایتدیکنندن بو دائرہ نک آمر و رئیس یالککز سر قومیسردر . مالیہ
مربوطدر لر ، پوسته و انشآت عمومیہ دائرہ لری ساده عنواناً ، لفظاً مالیہ
تابعدر لر . قرال ، ہرنہ قدر انغلیقان کلیسا سنک رئیس روحانی سی ایساده
انکلتره حکومتک مذاہب نظارتی یوقدر ، امور مذہبیہ یه قاریشان مأمورین
ملکیہ املاک رهبانیہ قومیسر لریدر . بونلر کلیساده اولنہ حق اصلاحات بر
پروژہ لریکی قرالہ تقدیم وظیفہ سیلہ مکلفدر لر ، تکلیف لری مجلس مخصوص
طرفندن تصدیق ایدیلیرسه قانون قوتی کسب ایدر ،

قومیسر لر کلیسا نک حکمی آلتندہ بولنان دائرہ لریک (دوائر روحانیہ یه)
تبدیلی ، ایسقفوسلفلریک تشکیلی ، نواحی رهبانیہ نک توحید و یاتفریق ، عادات
و قبیہ سی بولنان روحانی ککریک Doynné ' Canonicats دینلن
بر نوع پایہ روحانیتک ، چراقلق معاشنریک Sinécure رفع والغلاری ،
ایسقفوسلر معاشنریک تعیینی ایله اشتغال ونواحی رهبانیہ نک سرمایہ مشترک سنی
ادارہ ایدر . رسمی انغلیقان کلیسا سی حکومت ایچچندہ حقیقی بر حکومت
طرفندن تخصیص اولنان مبالغ ایله پک زنکیکن اولان انغلیقان کلیسا سنک ،
مصارفہ قارشیلق اولان فقرا و یرکوسندن بشقہ مذاہب نظارت لرینه و یریلن
مکافات لره مدار اولان اعشار و یرکوسی (Tithes) و مبانی روحانیہ نک انشا

ومحافظه لرینه صرف اولئان کلیسا ویرکولری (Church rates) واردر .
 رسمی کلیسا هیئتک فوقده Synode ویا Convocation اطلاق اولئان
 روحانی بر پارلمنتو موجوددر ، بو پارلمنتو قانتاربوری وبورق ایالات
 رهبانیه سنده کی دوائر روحانیه ک Etats spirituels بر هیئت اولوب بوهیئتده
 برنجیسی بسقوسلردن ایکنجیسی بسقوسلر مجلسی وکیللردن مرکب اولمق
 اوزره ایکی مجلسی حاویدر .

سینود دینان مجلس حکمدارک رضا وموافقی لاحق اولمق سزین اجتماع
 ایدمز، مقرراتک مرعی ومعتبر اولمی ایچون مجلسک حکمدار طرفندن
 تصدیق ایدلمی ضروریدر .

اسقوجیاده رسمی کلیسا ۱۶۸۹ تاریخده تأسیس اولان واداره سی تماماً
 جمهوریت اداره اساسنه مستند بولئان پرسیدتیه کلیسایی در . بوتون رهبان
 مساوی اولوب رهبانک اقامتگاهلری، محله لری و دارالفنونلری تمیل ایدن اختیارلری
 (Eladers) معاونتیه منافع مذهبییه تأمین ایدرلر. پرسیدتیه کلیساسنک هر سنه
 اجتماع ایدن مجلسنه مقام حکمداری برلورد قومیسر Lordhaut commissaire
 معرفتیه اشتراک ایدر . بو ذات اجتماعده حاضر بولنور و حکمدارک اوامر
 ومحوراتی تبایغ ایلر .

مذاهب غیر رسمیه ک حکومتدن مخصوصاتی یوقدر . بولنر یک کثیر اولوب
 دها زیاده منسوب اولانلرک سماحت واعانه سیله نائل رفاه اولورلر .

بریتانیا حکومتک تشکیلاتی حقنده کی مسروداتی اتمام ایچون ایرلندا
 واسقوجیایه عائد بعض ایشلرک دوائر مخصوصه طرفندن اداره ایدلدیکنی علاوه
 اتمک لازمدر . ۱۸۸۵ سنه سندن بری براسقوجیا مستشاری واردرکه بالخاصه معاونت
 عمومیه به متعلق مسائل ، ضابطه ، معارف عمومیه ، صید بحری ، حد-خانه لره ،
 چارشو و بازار، طرق ومعارف ، سیر سفائن ورسوم محلیه اموری ایله مشغول
 اولور. رفاقتنده ایکی حقوق شناس بولنور که هرایکیسی پارلمنتویه داخل واسقوجیا
 دعوی وکیللری هیئته Barreau منسوبدرلر .

ایرلندا قطعهنی بروالی عمومی lieutenant généralou vie-roid, irlande

Lord ادارہ ایتمکدہ در. بویوک رجل حکومت دوبلن شہرندہ اقامت و ۵۰۰۰۰۰۰ فرانق معاش اخذایار. ناما لوردل قمارہ سی اعضای میانندن انتخاب ایدلمسی و پروتستان مذہبنہ سالک اولمسی شرطدر. انکلتزہ نك سائر اقسام ممالکنی ادارہ ایچون قرالغہ مخصوص اولان قوت و صلاحیتلری ایرلاندا قطعہ سنک امر ادارہ سنندہ والی عمومی یہ انتقال ایتمشدر. بو سبیدن طولانی والی عمومی عفو حقنی واحسوال وخیمہ استثنائیہ دہ قوانینک اجرا و تطبیقنی تعلیق و تعویقہ حق اختیاری حازدر.

رفاقتدہ آلتش اعضادن مرکب بر مجاس خصوصی بولنور. ایرلاندا برنجی مستشاری Le recrétair en chef والی عمومینک برنجی ناظری ministre Premier اولوب وظائف مهمہ ایله مکلفدر. والی عمومینک وظیفہ سی حکومتی تمثیل اولدینندن حقیقتدہ ادارہ ایدن ناظردر. بوناظر عوام قمارہ سی اعضای میانندن انتخاب ایدیلیر.

برمدعی عمومی و برمدعی عمومی معاونی ایرلاندا قرالغہ حقوق مشاورلریدر. قاینہ اعضاسنک معاشی یکدیگرندن پک فرقلی و متفاوتدر. باش وکیل Le lord H aut chancelier ۲۵۰ بیک فرانق معاش آلیرکہ یوزالی بیک فرانق لوندرہ محکمہ عالیہ شانسلریلکی شعبہ سندن و یوز بیک فرانق دہ لوردل قمارہ سی ریاستی ایچون ویریلیر. خزینہ برنجی لوردی. مالیہ ناظری و بش مستشار یوزیکرمی بشریک، بحریہ برنجی لوردیلہ ایرلاندا برنجی مستشاری یوزاون ایکی بیک. پوستہ مدیر عمومی التمش ایکی بیک و دیگر ناظرلر الیشربیک فرانق معاش آلیرلر و right honouable [1] (پک زیادہ شایان حرمت) عنوانی حازدرلر.

Downing - street دہ سادہ برمسکنندہ اقامت ایدن خزینہ برنجی لوردی و هیچ برشمعہ وطننہ سی بولنیمان Whitehall سرایندہ اقامت ایله بن بحریہ برنجی لوردی مستثنا اولق اوزرہ انکلتزہ دہ سائر قاینہ اعضاسنک مصارف [۱] بوعنوانی لوردلر اولادینہ مخصوص اولان honourable عنوانندن تفریق ایتک لازم

سکنائیتری حکومت عائد دکلدر . خارجیه . داخلیه ، مستملکات و هندستان
نظار تدری و اسع بر بناده تأسس ایتشادر در که بر قاج مشترک صالون رسمی قبول لر
ایچون ترتیب و محافظه اولمشدر .

ایشته انکاتره قرالغنده قوه اجرائیه تشکیلاتی بو صورته در . انکاتره ده حکو
متک نصل ایفای وظیفه ایتدیکی تدقیق ایدیلیرکن ایکی حقیقت انظار حیرته
چاربار: بر فرقه موقع اقتداره کلنجه کندی سیاسی مأمورلرین ده برابر کتیر ،
فقط مأمورین سیاسییه تک تابع اولدینی بو تحول مفرط ، جریان اداره یه
بک محدود بر تأثیر اجرا ایلر .

زیرا ناظرلر ایش آدمی Homme d'affaire اولمقدن زیاده دوات آدمیدر لر .

Hommed,étt

ناظرلرک هیئت تشریعه امورنده بیوک بر حصه مساعی و فمالیتری واردر .
دائرلری ایشلریله ایکنجی درجه ده مشغول اولور لر . بو ایشلری رفیقلرینه
یعنی موقت و دائمی مستشارلرینه تحمیل ایلر لر . هر ناظر رفاقتنده کنندیسک
منسوب اولمدیجی مجلس اعضاسی میانندن منتخب بر مشاور سیاسی بولنور .
ناظرلر و بو مستشارلر یالکیز اعضاسندن بولندقلری مجلسله داخل اوله مدقلرندن
بو صورته دواثرک ایشلری هر ایکی مجلسده مذاکره ایدیه بیایر .

ناظر طرفندن انتخاب اولنوب اونک اعتمادینی حازر اولان مستشار سیاسی
وضع امضا و قبول صلاحیتلرینی حازدر . اصل اداره دائمی مستشاره عاڈدر .
دائمی مستشار مهم بر ذات اولدینی کی گله نک اک یو کسک معناسیله پولتیقه
تحولات و تبدلاتنه غیر تابع و مسلککنک متخصی ، عنفاتک نکهمان متیفظی
مأمورین و ایشله واقف امثال و سوابقک بر فهرست ذی روحی در .

بو مستشارلره تدریجاً طی مراتب ایده رک عینی دائره ده بتون مسلک و
معلوماتی اتمام ایدن و بک صبقی بر قاعده تسلسله تابع و پولتیقه تماماً بیکنه
اولان برطاقم مأمورلر Cler hs معاونت ایدر لر . ایشته دائمی مستشارلقلر بک
کوزل تأسیس و دواثرک بک قوتلی اوله رق تشکیل اولنلری سایه سنده ناظرک
مسائل جاریه تفرعایله مشغول اولمسنه احتیاج قالماز . ناظر اداره ایتیموب بر

دائرۂ عظیمہ رسمہ بی قونترول ویالکیز مجلس عمومی قارشیدندہ مسئولیتی موجب اولہ حق ماہیتہ کی مسائل بالذات حل و فصل ایلر . انکیلز لک نظارتلری متخصصلرہ تودیع ایتہک اوقدر اہمیت ویرمہ ماری اسبابی تفصیلات آنفہ دن اکلاشیلیر . بر عسکرک حربیہ ، بر بحریہ لینک بحریہ و مستملکہ امورینہ اشنا بر شخصک Coloniū مستملکات نظارتلرینہ ریاست ایتدکری ہیچ بر وقت کورلر: حتی خارجہ نظارتی ادارہ ایچون دہ مسلکدن یتشمش بر دیپلومات Diplome de Carrière نادراً انتخاب اولنور . انکتر دہ ، فرانسدہ اولدینی کبی ، ادارہ ایدنلرک مسلکہ مخصوص معلوماتی حائر اولماملری ، ہم دائرہ نظارینک کثرت تبدلاتی و بر دولت ادمنک متعاقباً حل و ادارہ سی ایلہ مکلف اولدینی امور و وظائفک تخالفی شایان حیرت ایسدہ حکومتک ثابت و مقرر اولمنسی تأمین ایچون — فرانسدہ حکومتک ثابت و مقرر اولماسندن پک فنانتیجہ لر تولد ایدر — انکیلز لری ایکی چارہ اصلاح بولمشلردر : واسع بر عدم مرکزیتک نظارتلرک وظیفہ و فعالیتی حس اولنہ جق درجہ دہ تقلیل ایتسی ؛ دیگرری ، دائمی و مسلکی مستشارلرک تأسیسی در . ایشتہ بو صورتہ تطبیقات و عملیات ادارہ حکومت ایدنلر ایچون موجب تہلکہ اولمتسزین رجال دولتک پک مکمل بر مکتبی اولورکہ ملتک پارلمنتو واسطہ سیلہ تبایغ ایندیکی ارزولرینک قراللق نامنہ تأمین اجراسنی بورادہ تعلم ایدرلر .

